

臨桂縣志

之下

一冊

臨桂縣志

卷之六

六

臨桂縣志下冊目錄

卷二十三

金石志四

一頁

卷二十四

金石志五

四〇頁

卷二十五

勝蹟志一

七十九頁

城址

七十九頁

署宅一

八十一頁

卷二十六

勝蹟志二

一一三頁

署宅二

一一三頁

卷二十七

勝蹟志三

一六一頁

寺觀

一六一頁

冢墓

一八二頁

坊

一九九頁

臨桂縣志

下冊 目錄

二

太平門

二〇五頁

卷二十八

人物志一

二〇七頁

先賢一

二〇七頁

卷二十九

人物志二

二二九頁

先賢二

二二九頁

卷三十

人物志三

二六九頁

壽民

二六九頁

烈女

二八七頁

節婦 (不全)

烈婦 (不全)

貞女 (不全)

烈女 (缺)

卷三十一

人物志四

三三三頁

遷謫

三三三頁

流寓	三三七頁
寄寓	三四八頁
道釋	三六六頁
卷三十二	
人物志五	三七四頁
殉難	三七四頁
封贈	三八八頁
蔭子	三九八頁
行伍	四〇〇頁
雜記	四〇八頁

臨桂縣志卷二十三

金石志四

李渤南溪詩

南溪詩序 成紀縣子李渤

桂水過灘山右匯陽江又里餘得南溪口溪左屏列崖巘闢麗爭高其孕翠曳煙遷迤如畫右連幽墅園田雞犬疑非人間汴流數百步至元巖巖下有沃壤沮洳因導為新泉山有二洞九室西南曰白龍洞橫透巽維蛻骨如玉西北曰元巖洞曲通坎幄晴眺灘水元巖之上曰丹室白龍之右曰夕室巽維北梯峻至仙窟仙窟北又有石室參差呀豁延景宿雲其洞室竝乳漙凝化詭勢奇狀仰而察之如傘如釜如欒欂支撐如蓮萼藻井左睨右瞰似簾似幃似松偃竹裊似海蕩雲驚其玉池元井嵐窗颺戶迴還交錯迷不可紀從夕室梁溪嚮郭四里而近去松衡二百步而遙余獲之自賀若獲荆璆與蛇珠焉亦疑夫大舜遊此而忘歸矣遂命發潛敞深澄危宅勝既翼之以亭榭又韻之以松竹似謙方丈如昇瑤臺麗如也暢如也以溪在郡南因目為南溪兼賦詩十韻以志之寶曆二年三月七日叙

元巖麗南溪新泉發幽色巖泉孕靈口桂勝雲煙粉桂勝崖壁斜峯信天插奇洞固神劈窈窕去

未窮還迴勢難極玉池似無水元井昏不測仙戶掩復開乳膏凝復滴丹爐桂勝有遺趾石逕

無畱迹南眺蒼梧雲北望洞庭客蕭條風煙外爽朗形神寂若值浮邱翁從此謝塵役真書經一

李渤字潛之嘗為桂州刺史充桂管都防禦觀察使新舊唐書皆有傳通志

李涉元巖銘

南溪元巖銘

并序

青溪子李涉

桂之為郡也巖其先之有井室人民百千祀矣居是邦者匪哲則豪何四三里之內而巖不載於前籍為巖將屈於古而合伸於今哉為人未知其巖巖俟人以時哉青溪子昧而未詳也予之仲曰渤受天雅性生不雜玩少嘗讀高士傳列仙經遊衡霍幽遐之境巢嵩廬水石之奧凡俗所覩必皆磨大璞翦鑿遺病意適而制非主於名寶歷初自給事中出藩於桂一之年治鄉野之病二之載摻郭郭之遺得隱山元巖冥契素尚余因謫去炎海途由桂林元巖之勝再遂其賞勒銘洞石表遠迹於他年銘曰

桂之有山潛靈億年拔地騰霄戟列刀攢巖之有洞窈窕鬱盤虎挂龍懸形狀萬端威馳杳冥仰沓巘屹玉落磬隆幽聲畫寒巴陵地道小有洞天文籍之聞吾何有焉酒一卮兮琴一曲嵒巖之下可以窮年分書經一五分

涉渤之兄纖人也早從陳許辟憲宗時為太子通事舍人投匭言吐突承璀冤狀孔戣知匭事表其姦逐為峽州司倉參軍始戣見其副章詰責不受涉乃行賂詣光順門通之故戣極言涉姦險欺天請加顯戮太和中為太學博士自號清溪子唐詩紀事

李涉洛陽人與弟渤同隱廬山後應陳許辟憲宗時為太子通事舍人尋謫峽州司倉參軍太

和中為太學博士復流康州

全唐詩傳

劉玉璽曰舊唐書李渤傳云渤堅苦不仕隱於嵩山新書云與仲兄涉偕隱廬山今此刻涉稱渤云少嘗讀高士傳列仙經遊衡霍幽遐之境巢嵩廬水石之奧與史傳合惟史稱仲兄涉而此刻云余之仲渤夫渤既為仲弟則涉不得稱仲兄矣是史傳固不若石刻之詳也舊史云寶

歷中轉給事中又云寶歷元年改元大赦天子御樓放囚崔發亦在雞竿下品官持杖毆發渤
疏論之以渤黨崔發出為桂州刺史兼御史中丞充桂管都防禦觀察使今此刻云寶歷初自
給事中出藩於桂是渤之轉給事中已在寶歷以前而其出刺桂州乃在寶歷之初是史傳又
不若石刻之核也渤治桂州舊史不載其事惟新史稱渤治灘水郭池有宜舟楫利焉此刻所
謂一之年治鄉野之病也又隱山有李渤題名云年既豐乃以泉石為娛訪異獨得茲山此刻
所謂二之載據郭郭之遺也語出涉口當得其真與舊書稱渤在桂二年新書以為踰年正合
是石刻又可為史傳之明證也至涉自序云余因謫去炎海途由桂林元巖之勝再遂其賞今
新舊書無傳莫可考證惟唐詩遺響載涉竹枝詞注云涉嘗謫武陵故有是作案武陵今湖南
常德府桃源縣涉由廣東之湖南故經由桂林耳

右刻在南溪山元巖案涉有奉和九弟渤見寄絕句知其行次第九而仲為弟之通稱不
必定居次也又敬宗紀寶歷元年正月乙巳朔七日辛亥改元大赦壬申以給事中李渤
為桂州刺史實二十八日舊史稱其實歷中轉給事中誠誤至涉來桂林當在太和間謫
康州時涉有譴謫康州先寄弟渤詩是言其將至桂也此叙亦云謫去炎海途由桂林康
州今廣東肇慶府故曰炎海且必取道桂林玉鑾謂是謫武陵時事非是唐詩遺響云武
陵竹枝詞當作夷陵即紀事所云貶峽州也涉有再謫夷陵詩其竹枝詞云荆門巫峽空
舸灘皆其地事在憲宗時不當在寶歷後茲因玉鑾言及之通志

陳正仲題名

陳正仲詮記之官王景臨林亨仲飲餞於此乙卯仲冬行書經一

王岳題名

右刻在元巖通志

慶元丁巳立秋後三日同幕集鴈於此豫章王岳次山溫陵趙庚叔初長沙陳堯仁壽卿長樂陳舜申宋謨臨川楊汝明仲藻真書經

右刻在元巖通志

翟子壁題名

度亭翟子壁歲在庚申重午休務日攜家來尋巖洞之勝時也暑氣清微涼風襲人徜徉終日不知夕陽之在山也行書徑

右刻在元巖于壁當即雉山題名通判翟野也通志

呂祖昇王濟美題名

東萊呂祖昇長沙王濟美自千山觀聯騎來遊嘉熙初元正月三日

真書經

右刻在元巖黎呂祖昇當是祖謙昆弟宋詩紀事載其洞霄宮詩通志

黃應武念奴嬌詞并記

乾坤開闢桂林有元氣自來融結石磴盤空行木杪天柱屹然中立窟宅幽深泉源清遠不是靈神擘潛通後洞張劉萬古遺迹輸我長劍凌虛六塵盡掃銀海秋波碧志氣飄飄遊物外惟有清風知得喚起白龍護持颺馭稽首朝金闕山靈欣喜紫雲已在詩壁 當祐渙號五月一日黃應武景行同劉子真侯時舉廖彥植吳漢卿譚謙夫簡衡甫郭溫夫霍慶昌霍元善遊白龍洞景行賦詞子真命工刻於石真書徑

右刻在元巖通志

曾宏正詩并記

老仙乘白龍飛入白雲鄉巖前刻舟痕游子常傍徨清商韻風松疑有笙鶴翔我欲往從之居然塵

鞅韁酒闌下山去迴首空慨慷
臨江曾宏正淳祐癸卯閏聖同三山常擬臨川吳淦羽士李可
道來遊子公邁侍行摺經

右刻在元巖癸卯為理宗淳祐三年是年閏八月通志

李曾伯詩 并序

淳祐庚戌春覃懷李曾伯因勸耕來觀得四十字

老龍昔未蛻嘗蟄此山中霖雨春晴足風雲夜壑空兩崖高下倚一徑往來通不願千金剗惟期
百穀豐 是日微風扇和輕雲閣雨千峯翠滴四野綠秀枝禽對語春意韶蕩無極相羊久之緩
轡而去賓佐四明史偉之廬陵曾垓眉山楊挺東嘉林格三山卓炎子廬陵王真孫長沙胡斌時
汪周子榮潼川楊牧之清湘滕處厚續至真摺經

曾垓廬陵人淳祐五年通判靜江主管義寧勸農公事 粵西文載

右刻在元巖通志

李渤詩 并記

畱別南溪 桂州刺史兼御史中丞成紀李渤

常歎春泉去不回我今此去更難來欲知別後留情處手種巖花次第開 太和二年十一月十

三日 真摺經

大宋紹興二年季夏張仲宇鄧宏重命工刊盤住巖僧如漢慧本 真書經

劉玉璽曰此石蓋本李渤舊蹟而刊於紹興者字為楷書徑二寸景通志載李渤畱別南溪詩
兩章此其一也二章云如雲不厭蒼梧遠似雁逢春又北歸惟有隱山溪上月年年相望兩依

依渤在桂州浚治灘水善政在人朝廷不聞恩命乃以風恙求代罷歸洛陽渤詩中絕無怨尤
惟悽悽於巖花溪月而已此種宵次猶是初年不仕高隱匡廬少室之襟懷耳刊此詩者為張
仲宇蓋即潛洞刊范公勸諭所稱郡人張仲宇也范公於張為竝世若李賓客則已遠矣讀此
不獨令人思賓客而亦並思仲宇也又案舊史云渤在桂管二年新史云渤出為桂管觀察使
踰年以病歸洛又李涉元巖銘序稱渤在桂一之年治鄉野之病二之載摻郭郭之遺是渤在
桂僅二載與史傳合今此刻乃題云太和二年豈在桂當寶應二年因風恙求代直至太和二
年始得代歸洛有此留題邪姑識之以俟考證又曰隱山李渤題名首行云寶應元年以下漫
漣不可識火行云和年既豐乃以泉石為娛云云和年二字連文似不相屬和字上疑當為太
字

右刻在白龍洞渤詩只一章刻石時斷無遺失之理如雲不厭一絕當是涉作舊通志所
載殊誤今渤涉兩人集中又皆收此二詩也通志

李時亮詩

□崖高瞰白雲溪洞穴通天路嶮巖雨未作霖天下旱玉龍蟠此少人知 熙寧八年八月四日

李時亮題

行書勁
一寸許

李時亮字端夫博白人嘉祐中舉進士知廉州有治聲遷檢校散騎常侍兼御史大夫時亮善
屬文尤長於詩與同官陶弼相賡和有詩曰李陶集

粵西
文載

右刻在白龍洞通志

闕蔚宗題名

白龍山在桂城之東南登山之西而至其洞深廣可數楹石之宮隆隱然若神物化去而留其迹

洞之名蓋亦舊矣元祐己巳二月八日上黨苗子居歷陽高時仲金陵李師正黎陽吉鄰幾乘暇以遊愛其佳趣且忘其歸因刻於石以志其來爾會稽關尉宗題一真書徑

右刻在白龍洞通志

盧潛禮題名

上饒盧潛禮濟北段微之毗陵胡茂方同郡樓元弼武夷葉振卿紹聖乙亥秋九月中潛遊

右刻在白龍洞通志

公輔題名

公輔公密侍親遊春來此政和辛卯季春旬休日

右刻在白龍洞通志

唐進德題名

南郡唐進德攜家同遊男鋼銖銓錫侍行政和二年三月二十七日題白龍洞行書經

右刻在白龍洞叢載謂在雉山誤通志

呂叔恭詩并記

峯嶺倚空蹲怪石輪囷夾道卧長松白龍應已冲天去巖竇歸然有故蹤假守呂叔恭拉機宜

劉子思監郡朱國輔經屬陳朝彥自中隱巖過白龍洞叔恭之子大鈞侍行紹興甲戌季春七日

一真書

右刻在白龍洞通志

李景亨題名

李景亨王子舉謂之以淳熙丙申立夏日同遊

徑八分書

右刻在白龍洞案謂之王文若也見後隱山題名通志

朱晞顏詩并序

慶元改元寒食日陪都運寺丞遊白龍洞時牡丹盛開小酌巖下夕陽西度並轡而歸 新安朱晞顏

小溪漱碧水潺潺路入龍宮杳靄閑佳節漫添新白髮故人賴有舊青山花時幾共湘南醉萍迹何年嶺北還歸路聯鑣紅日晚多慚龍卧白雲閑

行書徑七分

都運寺丞胡銓和詩并序

禁煙日陪經略煥章文遊白龍洞得所賦新詩次韻以呈 長卿

懸崖怪石水潺潺宜有神龍隱此間窮勝不妨穿險洞尋春那止看羣山攀龍行即天邊去躍馬聊同野外還好景良辰適相會一尊且共水雲閑

行書徑五分

右刻在白龍洞通志

管定夫題名

嘉定辛未中元後四日計臺臨汀楊公子直復出案未歷之郡憲臺括蒼管定夫帥守濟北李誠之載酒白龍洞留款先是去夏六月大暑公初行郡亦嘗觴此夫仕而南多鄙夷其民忽忽廼職使者間畏炎毒未嘗一迹按部公連歲犯暑殆徧走廿四州尊年精明人所難及父老有迎拜而問者曰使家壯也何用而見用於遲晚近也弗留而肯留於遠外吾儕嶺民懷私惠而勤勞使家一至□□公呼而謝之曰上有命老弗容辭遠弗敢憚懼我之於汝者或有未至而汝之憐我者

姑置勿言遂一笑登車既行勒茲語於巖石告我同志云

楊方字子直長汀人登隆興進士調弋陽尉道崇安謁朱子面受所傳寧宗時坐趙汝愚朱子黨罷黨禁解起知撫州官至廣州提刑志一統方自號淡軒老叟隆興元年進士仕至寶謨閣

廣西提刑

右刻在白龍洞案全志職官表方嘉定中廣西提點刑獄此云計臺當是漕司也通志

崔與之題名

五羊崔正子趣召有行括蒼管定夫送別於白龍洞煮茶劉仙巖霧雨淒然江山草木皆有離思嘉定癸酉二月旦日真書經

右刻在白龍洞通志

李勁題名

長沙李勁正臣胡持正雅叔唐嶧次山朱佐君輔蕭時仁元之景定甲子端陽憇此真書經

右刻在白龍洞通志

遇仙記

唐少卿遇仙記顯真書經

唐著作子正桂林人幼慕至道嘗寓元山觀讀書一日有雲遊道人不通名氏相過清談數日許傳方書款曲乃去治平初唐赴京調舉至全州中途一僕夫偶病不能行忽復遇是道人來詢問其故口口代病僕荷重擔前邁勁若健羽雖鞭馬疾追常先百步外同口口其口去遂遣之道人既別即日自全州二千七百餘里已到唐州湖陽驛留書與驛吏曰俟桂州唐秀才至即付之後

月餘方抵驛驛吏出示書面題云呈桂州唐秀才歸真子謹封啟封惟一詩曰元山相見又之全
下遇先生道未緣大抵有心求富貴到頭無分學神仙篋中靈藥宜頻施鼎內丹砂莫妄傳待得
角龍為燕會好來黃壁卧林泉唐大驚駭語其狀貌即全州所荷擔道人也留書之日即全州所
遣日也始悟為神仙熙寧間倅邕管歲在丙辰交賊陷城力戰遇害於州治中橫壁亭詩所謂角
龍黃壁也贈司農少卿紹聖三年正月甲午靈川歐陽闢記 孫世口謹勒於南溪山劉公巖石以
永其傳云真書徑五分

歐陽闢字晦夫靈川人從學於梅聖俞元祐六年舉進士任雷州石康令粵西文載

右刻在劉仙巖宋史熙寧九年交趾臨邛州刺史蘇緘死事甚烈事具緘傳得此記又知
有唐子正一人交趾屠郡民五萬餘人史固不勝其載然忠蓋湮沒者多矣通志

養氣方

案廣南攝生論載養氣湯方 附子圖寶者去盡黑皮微炒秤四兩 甘草炙秤兩 口黃湯洗浸一宿用水淘去灰以盡為度焙乾秤二兩

右三味同搗羅成細末每服一大錢入鹽點空心服皇祐五和闕劉君錫以事竄嶺南至桂
州遇劉仲遠先生口授此方仲遠是時已百餘歲君錫服此湯間關嶺表數年竟免嵐瘴之
患後還襄陽壽至九旬嘗云聞之仲遠曰凌晨盥櫛訖未得議飲食且先服此湯可保一日
無事旦旦如此即終身無疾病矣宣和四年上巳日朝請郎提舉廣南西路常平等事晉江

呂渭記真書徑一寸

右刻在劉仙巖通志

張平叔真人歌

張真人歌額三寸書

天台張平叔真人歌贈桂林白龍洞劉道人

兔走烏飛兩曜忙始聞花發又秋霜徒誇錢壽千來歲也似雲中一電光一電光何太疾百年三萬六千日其間寒暑互煎熬不覺容顏暗中失縱有兒孫滿目前卻成恩愛轉牽纏及至精絕身枯朽誰解救君暫駐延暫駐延既無計不免將身隨水逝君看古往聖賢人幾個解留身住世身住世也有方祇爲世人誤度量競向山中求草藥伏鉛制汞點丹陽點丹陽事迴別須向坎中求赤血最歸離位制陰精配合調和有時節時節正用媒人金公姪女結姻親金公偏好騎白虎姪女常駕赤龍升虎來靜坐秋江裏龍向碧潭奮身起兩獸相逢戰一場波浪翻騰如鼎沸黃婆丁翁助威靈撼動乾坤走神鬼須臾戰罷雲氣收種箇明珠在泥底從此根芽漸長成隨時澆灌抱真精十月脫胎吞入腹忽覺凡軀已有靈此箇事世間稀不是等閒人合知夙世若無仙骨分容易教君得遇之得遇之宜速煉都緣光景急如箭要取魚時須結網莫祇臨川空歎羨聞君知藥已多年何不收心煉汞鉛莫教燭被風吹滅六道輪迴難怨天近來世上人多詐盡著布裘稱道者問他金木是何般禁口不言如害啞卻云服氣與休糧別有門庭道理長君不見陰君破迷歌裏說太乙含真法最强莫怪言辭大狂劣祇爲世人無鑒別惟君心與我心同方敢傾懷共君說劉君諱景字仲遠桂林人也嘉祐末得是歌解化於此巖大宋紹興十八年戊辰歲除日汝陽邢魯打化鐫於石壁雙井黃拱辰題額郡人張仲宇書黃伯善摹勒龍淵刻字真書右刻在劉仙巖案張平叔名伯端後名用成號紫陽真人天台纓絡街人熙寧中陸公龍

圖銳鎮成都乃依以游蜀任四川節度制置使安撫司參議遇異人傳火候之秘元豐間
留偈入寂此歌與平叔所著悟真篇同旨今道書全集中皆載之道藏目錄載悟真篇注
有翁葆光戴起宗陳致虛翁淵明夏宗禹及無名氏凡六家蓋道家所推為正宗者也

路質夫方務德題名

晉陽路質夫桐廬方務德紹興己巳二月十四日同來真書徑住巖道民郭顯上石五分

石刻在劉仙巖通志

棲霞子銘

皇宋開國幾二百年金口犯順衣冠南遷桂獨宜人歲無嵐煙溪山之勝閒出神仙沁源郭顯志
慕精專卜築巖下鑿井耕田榜揭歸雲養真自然燒煉丹藥徇徕林泉栽栽鮮壁排空插天紹興
己巳勒銘紀焉棲霞子書

徒弟口若岑口石 龍雲從刻字真書徑一

郭顯者不知何所人居桂南溪之劉仙巖一稱住山道民一稱南溪郭顯然卒不可蹤迹之者
獨有南溪卜居銘首言士大夫以金人之故多南遷似避地中言志在神仙似方士末言榜揭
歸雲又似棄官入山者文載

右刻在劉仙巖紫沁源宋屬威勝軍今山西沁州沁源縣顯自稱沁源文載謂不知何所
人殆未見此銘通志

李師中詩

待制李公留題大空子隱居 李師中